

KANTON SARAJEVO**SKUPŠTINA KANTONA SARAJEVO****NAROD I PRAVDA****Danijela Kristić, zastupnica**

SVIM OPĆINAMA

PREDMET: INICIJATIVA

Ovim putem podnosim inicijativu da se u roku od tri godine taksa za istaknutu firmu ukine. U prvoj godini, iznos takse bi se smanjio za 40%, u drugoj za 30%, te u trećoj za ostatak od 30% trenutnog iznosa, što bi na kraju značilo da lokalne zajednice u Kantonu Sarajevo neće naplaćivati taksu za istaknutu firmu kao parafiskalni namet.

Obrazloženje :

Taksu za istaknutu firmu, kao jedan od najpoznatijih parafiskalnih nameta, pravna lica i obrti su obavezni plaćati početkom svake godine. Problem kod ove takse jeste što ona nema jasnu svrhu, tj. naplatom ove takse pravna lica i obrti ne dobivaju bilo kakvu uslugu od lokalne zajednice. Drugim riječima, ova taksa služi za "kažnjavanje" firmi i obrta samo zato što su registrovani i što postoje. Dodatno, plaćanje ove takse ne znači da pravno lice ili obrt ima pravo da koristi vanjski znak za svoju firmu, jer je ta taksa definisana kroz druge takse koje se plaćaju. Zavisno od vrste djelatnosti, zone u kojoj se nalazi firma ili obrt, ove takse se kreću od 20,00 KM, pa sve do 25.000,00 KM u nekim gradovima.

Obzirom na teško stanje u kojem se nalaze pravna lica i obrti, što je posljedica pandemije COVID-a, kao i neopravdanost za naplatu takse za istaknutu firmu, te iznos koji se svake godine prikuplja po ovom osnovu u budžete lokalnih zajednica, predlažem da se u roku od tri godine ove takse ukinu. U prvoj godini, iznos svih taksu bi se smanjio za 40%, u drugoj za 30%, te u trećoj za ostatak od 30% trenutnog iznosa, što bi na kraju značilo da lokalne zajednice u Kantonu Sarajevo neće naplaćivati taksu za istaknutu firmu kao parafiskalni namet.

Korist za privredu će biti višestruka, a najprije da će se na taj način smanjiti pritisak za finansiranje raznih fiskalnih i parafiskalnih izdataka prema državi, što će omogućiti pravnim licima i obrtima da prežive tokom ove pandemije COVID-a. Također, pružit će se prilika da se taj novac iskoristi za nova zapošljavanja ili unapređenje poslovanja, čime će doći do jačanja poslovne zajednice u Kantonu Sarajevo."

Sarajevo 28.01.2021.godine

Zastupnica u Skupštini KS

Danijela Kristić

Skenderija br. 5, 71000 Sarajevo E-mail: info@narodipravda.ba

Telefon: +387 33 860 860 ID: 4202505180000 Šifra djelatnosti: 94.92

Račun br. Raiffeisen Bank: 1610000197720058